

ցող էին հավաքում, բերում՝ ածում էին ջրի վրա, և դրանով իրենց գլուխն էին լվանում, որպեսզի մազերը երկարեն⁴⁷ կամ ածում էին կաթի մեջ, որ կաթը շատանա: Հինգշաբթի օրն ամեն ընտանիք պիտի եփեր կաթնավ: Այս մատաղից նա գոնե յոթ ընտանիքի պիտի բաժին ուղարկեր: Մի քանի գյուղերում շատ տարածված էր հավաքած մթերքով և օրվա ամբողջ կաթով ընդհանուր կաթնավ եփելը: Մի խումբ կանայք, գրեթե ողջ թաղը, մեծ կաթսայի մեջ միասին եփում էին այդ կաթնավը և թե՛ իրենք նստում՝ ուտում էին Համբարձման կաթնավ, թե՛ բոլոր անցուղարձ անողներին էլ հրավիրում ուտելու, իսկ մնացածն արտերի շուրջն էին շաղ տալիս, որ բերքն առատ լինի: Կաթնավ մատաղը շաղկապված էր այս տոնի հետ հայկական բոլոր գավառներում: Դա անկասկած նույն մազիկ միջոցառումն է: Առհասարակ այս տոնին վերագրվում է աճեցնելու, երկարացնելու, բազմացնելու զորութուն: Ինչպես մայրն է իր զավակին առատ կաթ տալով նրան առողջութուն և աճելու ուժ տալիս, զորացնում, այնպես էլ կաթնով մատաղի միջոցով ուժեղացվում էր արթնացած բնությունը, զորացվում ու հասունացվում էր: Երևի այդ զորության ներգործության վրա ապավինած Սիսիանի մի քանի գյուղերի գառնաբաժները տնետուն ման էին ածում իրենց արածեցրած գառներից մեկն ու մեկը՝ ծաղիկներով զարդարած՝ ձու և յուղ հավաքում գյուղացիներից:

Հայաբնակ այլ գավառներում գոյում հրգելն ու վիճակի խաղը բուն զանգեզուրցիների հին բնակչության գյուղերում այդ օրը տեղի չէր ունենում⁴⁸: Դրանք տեղի էին ունենում միայն նոր վերաբնակվածների համայնքների մեջ: Միայն մի քանի գյուղերում պահպանվում էր հնուց շատ տարածված մի այլ սովորություն, այդ օրը գերեզմանատանը ընդհանուր հոգեհանգիստ կատարելը և ամբողջ հասարակությամբ բերած կերակուրներով միասին ընդհանուր սեղանի նստելը: Արժվանիկում այդպիսի մի ընդհանուր սեղան էր սարքվում գյուղից ներքև ս. Սարգիս եկեղեցու մոտ, նոր գերեզմանատանը, Մելիք-Ֆռանգյուլի գերեզմանից մի քիչ վերև: Այդ օրն էլ ընդունված էր այցելել մերձավոր խաչերը՝ մանավանդ Մաղավուզի Ծիծեռնավանքը⁴⁹:

Վերթիվէ: Վարդավառ տոնը բուն Զանգեզուրու: ավելի պարզ ձևերով էր կատարվում, քան թե հայաբնակ այլ գավառներում, նույնիսկ հարևան Ղաբաբաղում: Այստեղ էլ այլ վայրերի պես այս տոնը խիստ հազեցված էր նախաբրիտոնեական նախնական հեթանոսական տարրերով: Այս օրն էլ այլ

⁴⁷ Բույսերի, մազերի և այլն երկարելը հմմտ. Ատտիսի առասպելի հետ: Զիջելով Կիրէլայի աղերսանքին, Զևար թեև թույլ տվեց ինքնասպան եղած Ատտիսի մարմինը մնա անխախտ, անեղծ, սակայն միայն նրա մազերն էին երկարում և ճկույթը շարժվում:

⁴⁸ Կեսարիոս և փոքրասիական հարևան գավառներում Համբարձման օրը կոչվում էր Վարդավառ, իսկ արևելյան հայերի Վարդավառը՝ Սուրբ Կարապետի օր: Արշակ Ալպոյանյան, Պատմություն հայ Կեսարիոյ գավառի, 1937, հ. II, էջ 1769:

⁴⁹ Այս խաչի մասին հետևյալ ավանդությունն են պատմում (Լալայեան Ե., Զանգեզուր, էջ 48)՝ վանքը շինելիս ահագին կաթսայով կերակուր են եփում բանվորների համար: Երբ հասնում է ճաշի ժամը, մի ազոավ պտտվում է կաթսայի վերև և շարունակ կոկոսում, իսկ երբ բանվորները նստում են ճաշի, ազոավն ահագին կոկոսոցով իրեն ձգում է կաթսայի մեջ: Բանվորները պղծված կերակուրը թափելով զարմացած տեսնում են, որ կերակրի մեջ օձի մարմնի մասեր են: Հասկանում են, որ ազոավը փրկել է իրենց կյանքը: Այդ ազոավին մեծ հանդեսով թաղում են եկեղեցու արևմտյան պատի մոտ, մեծ քարի տակ, իսկ օձի պատկերը գծում են վանքի սյուներից միմի վրա: Ազոավի գերեզմանն այնուհետև պաշտվում էր և ուշ վժարնվօրվօղ երեխային տանում էին այդ քարի մոտ, մոռ վառում, մի մեխ կամ ձու դնում քարի տակ. երեխայի ոտները լվանում, որպեսզի շուտով սովորի քալել: